

Ազատուկ

հեղինակ՝ Մկրտիչ Վրմեն
աղբյուր՝ «Պատվիրեցին հանձնել ձեզ»

Արհամարհո՞ւմ էին ազատ մարդիկ կալանավորներին, թե ոչ, միեւնույնն էր, կալանավորներն իրենք արհամարհում էին նրանց եւ անվանում «վոլոյաշկաներ», այսինքն՝ «ազատուկներ»:

«Ազատուկ» էին նրանք, որովհետեւ չունեին կալանավորների ողբերգությունը, թեթևասոլիկ էին եւ ծիծառում էին ամեն մի դատարկ առիթով: Լուրջ մարդիկ չէին: Ուտեիս հաց էին ավելացնում, թողնում սեղանի վրա, գիշերները կարողանում էին հանգիստ քնել՝ երբ պահարանում կամ նկուղում ունեին այնքան ուտելիք: Հիմար մարդիկ էին: Եվ, վերջապես, փոխանակ գիշեր-ցերեկ ուտելու, ուտելու, ուտելու, գրաղվում էին կանանցով, համբուրում էին նրանց եւ դուն ով գիտե... Թյո՛ւ... Հղփացած մարդիկ էին:

Կալանավորներից միայն հատուկենտ մարդիկ էին գրաղվում կանանցով՝ գրասենյակում աշխատող այսպես կոչված «հիմարկոտները», հաց կտրողը, խոհարարը, բաղնիսապանը, վարսավիրը, այսինքն՝ նրանք, ովքեր «կատաղում էին կշտությունից»:

Եֆիմ Լոշանինը մեկն էր մեծամասնություն կազմող այն կալանավորներից, որոնց հոգեւոր կյանքն ամբողջովին պտտվում էր միայն մի առանցքի շուրջը: Արթնանալուց հետո լիներ, թե քնելուց առաջ, աշխատելիս լիներ, թե հանգստանալիս, նրանք խոսում էին միայն ուտելիքի մասին:

Մեկը հառաջում էր հանկարծ.

— Լիներ տապակած միս՝ սպիտակ սոուսով...

— Տապակած միսն ուտում են կարմիր սոուսով,— ներողամտորեն ուղղում էր երկրորդը:

— Վայ... Սա ի՞նչ է ասում... Լու՞մ եք, ընկերներ...

— Ճիշտ է ասում:

— Սիալ է ասում:

— Տապակած միսը,— մեջ էր խառնվում Լոշանինը հեղինակավոր դանդաղախոսությամբ,— լավ կարմրացնում են սեփական ճարպի մեջ: Առանձին պատրաստում են կամ կարմիր կամ սպիտակ սոուս՝ նայած ճաշակին: Սեղանի վրա դնում են սպիտակ հաց՝ հացամանի մեջ բարձր կույտ արած: Աչ կողմում դնում են օդին, ճախում բողեք: Հացը դնում են... Հա, հացի մասին արդեն ասացի: Վերցնում են դանակն ու պատառաքաղը...

Եվ սկսվում էր ստամոքսների կողեկտիվ խարկանքը:

Երբ նա ավարտում էր իր մանրամասն պատմությունը, կլանված ունկնդիրներից մեկն սթափվում էր եւ ասում.

— Իսկ մեզ մոտ դա անում են այսպես... Վերցնում են թարմ ձուկը, մաքրում, աղ են ցանում, դնում կաթսայի մեջ, վարն ավելացնում կանայի ու պոմիդոր...

— Չուր են լցնում...

— Ոչ մի կաթիլ: Փակում են ամանի բերանը, դնում են թեթև կրակի վրա եւ...

— Դա ի՞նչ ուտեկիք է որ...— արհամարհաբար փնչացնում էր մի երրորդը:— Այսինքն՝ վատը չէ, իհարկե, բայց երբ սագն են խորովում փորի մեջ բրինձ լցրած...

— Հա,— հանկարծ բացականչում էր չորրորդը,— եւս մի բան հարցնեմ ձեզ: Երշիկ պատրաստելիս խոզը կարո՞ղ է տեղավորվել իր աղիքների մեջ...

— Աղիքները կավելանան,— ասում էր մեկն անվստահ:

— Ոչ, կավելանա միսը,— պնդում էր մյուսը՝ ոչ ավելի վճռական:

Եվ սկսվում էր մի այնպիսի եռանդուն վեճ, լսվում էին հետզհետեւ այնպիսի կտրուկ ու վճռական պնդումներ, հնչում էին այնպիսի տարածայնություններ ու իրար հասցեի շարտված վիրավորական խոսքեր, որ կարծես հավաքվել էր մասնագետների մի խորհրդակցություն, իսկ միսը կուտակվել եւ նեխվում էր՝ սպասելով նրանց որոշմանը:

Մի անգամ, մի այդպիսի վեճի ժամանակ, երբ կալանավորներն իրենց տախտակների վրա պառկած, իսկ երբեմն էլ վեր ցատկելով ու նստելով, վիճում էին ձվածեղի զանազան տեսակները պատրաստելու անհետաձգելի հարցերի մասին, բարաք մտավ վերակարգիչը եւ ձայն տվեց.

— Լոշանին...

— Ի՞նչ կա:

— Հերդ անիծեմ, Եֆիմ, իշխր վար: Կինդ եկել է բեզ տեսության...

Մի պահ դեռ ոչ ոքի գիտակցությանը չհասավ, թե ինչ էին նշանակում այդ խոսքերը: Տայգան զտնվում էր բնակելի վայրերից հարյուրավոր կիլոմետրեր հեռու, իսկ կալանավորների կանայք ու երեխաները, մայրերն ու եղբայրները՝ էլ ավելի հեռու, հազարավոր կիլոմետրեր: Բոլորը վաղուց ի վեր մոռացել էին նրանց իրական գոյությունը, իսկ նրանցից երբեմնակի ստացվող նամակները նման էին ինչ-որ անիրական աշխարհից հասած անմարմին պատկերների: Իրականն ու անմիջականն այն էր, ինչ տիրում էր նրանց շուրջը, կար, եւ թվում էր, թե եղել է միշտ ու լինելու է միշտ: Կյանքը նրանց համար ճամբարն էր, որից դուրս ոչ թե ուրիշները խորթ էին նրանց, այլ պարզապես գոյություն չունեին...

Եֆիմը ցատկեց նստեց, վար կախեց ոտքերն իր վերին քնելատեղից, ապա, առանց դնելու ներքեւակողմի տակդիրի վրա, ցատկեց հատակին: Բոլոր կալանավորները, թե՛ վերին եւ թե՛ ներքին քնելատեղերի վրա, նույնպես նստեցին:

— Եֆիմ, բախտավոր մարդ,— բացականչեց վերջապես մեկը,— ապրեցիր...

— Թե ծիսախոտ բերած կիհնի՝ մենակ չծիս, — պատվիրեց երկրորդը:

— Ուրեմն այսօր քու ճաշը կարող ես զիջել ինձ, — խնդրեց Եֆիմի հարեւանը:

— Վերցրո՞ւ... — ասաց Եֆիմը հապճեմ եւ դուրս վագեց բարարից:

Այո, հազվադեպ երջանկություն էր բաժին ընկել Եֆիմ Լոշանինին:

Հարցն այստեղ այն չէր, որ նրա կինն ապրում էր հազարավոր կիլոմետրեր այն կողմ: Դա դժվարություններից ամենափոքրն էր: Տեսակցություն ստանալու համար հարկավոր էր դիմել ճամբարների կենտրոնական վարչությանը, սպասել պատասխանի: “Պատասխանը պիտի լիներ այն մասին, որ նրանք հարցապնդելու են կալանավորի գոտիված վայրի ճամբարների վարչությանը՝ տվյալ մարդու վարքի եւ նրա կատարած պլանների տոկոսների մասին: Այդ վարչությունը նույնպես, իր հերթին, հարցումը պիտի ուղղեր անմիջականորեն կալանավորի ճամբարի պետին: Բնութագիրը պիտի գար ինստանցիայից ինստանցիա եւ հասներ վերջին ինստանցիային: Եվ միայն դրանից հետո կարելի կլիներ... Ի՞նչ կլիներ կարել՝ ստանալ տեսակցությո՞ւն: Դեռ ոչ: Կարելի կլիներ ստանալ հարցապնդում ճամբարների կենտրոնական վարչությունից այն մասին, թե ո՞վ է տեսակցության գնալ ցանկացող մարդը, կալանավորի ի՞նչն է նա: Նշվում էր, թե ինչպիսի տեղեկանքներ էր հարկավոր ուղարկել այդ մասին: Եվ միայն դրանից հետո, եթե բոլոր պայմանները համապատասխանում էին, եւ եթե այդ գրագրության ընթացքում կալանավորը չէր դադարում իր պլանները լրիվ կատարելուց եւ կամ չէր մահանում, տեղի էր ունենում տեսակցությունը նրա հետ:

Ոչ, ոչ, դա բյուրոկրատիզմ չէր, բոլորովին: Դա միանգամայն օպերատիվ միջոց էր՝ տեսակցությունների թիվը ծայրաստիճան սակավ դարձնելու համար:

Եվ ահա, Ելենա Լոշանինան, հերոսաբար հաղթահարելով բոլոր արգելվները, ձեռք էր բերել տեսակցության իրավունք եւ եկել՝ իր ետևում թողնելով երեք եւ կես օրվա հսկայական ճանապարհը...

Ճամբարի պետը Ելենա Լոշանինային ընդունեց քաղաքավարի եւ հարգանքով ինչպես ազատ մարդն ազատ մարդուն: Բայց ճիշտ է նաև այն, որ նրա վերաբերմունքի մեջ կար տարակուսանք եւ վերապահության խորհրդային ոչ-լիարժեք քաղաքացուհու հանդեպ, որը ոչ միայն ապահարզան չէր տվել ժողովրդի թշնամի իր ամուսնուն, այլև եկել էր նրան տեսության: Բայց եւ այնպես այդ տարակուսանքն ու վերապահությունը համարյա չէին արտահայտվում ոչնչով:

— Դուք զիտե՞ք տեսակցությունների կարգը,— հարցրեց նա:— Զզիտե՞ք: Տեսակցությունը տրվում է երեքից հինգ օր՝ իմ հայեցողությամբ: Ես տալիս եմ հինգ օր:

— Շնորհակալություն:

— Զարժե: Տեսակցությունը տրվում է՝ կալանավորին աշխատանքից չազատելով կամ ազատելով: Ես տալիս եմ ազատելով:

— Շատ, շատ շնորհակալություն:

— Զարժե, զարժե, դա մեր պարտականությունն է, եւ ես չեմ կատարում ոչ մի օրինազանցություն: Ճամբարից դուրս մենք ունենք մի հատուկ սենյակ, որտեղ դուք կապրեք այդ հինգ օրը՝ ձեր ամուսնու հետ:

Ելենա Լոշանինան, երիտասարդ եւ բավական գեղացիկ կին, որն ահա չորս տարի էր, ինչ ապրել էր ամուսնուց հետու եւ համեստ կյանքով, շիկնեց:

— Ես ձեզ պետք է նախազգուշացնեմ, ընկեր Լոշանինա,— մի քիչ ավելի խիստ տոնով ասաց ճամբարի պետը,— որ այդ հինգ օրվա ընթացքում դուք պատասխանատու ձեր

ամուսնու համար: Ինքներդ գիտեք, որ նա ժողովրդի թշնամի է եւ, ինչքան չինի, դեռ ունի վեց տարի ժամկետ: Իհարկե, ոչ ոքի դեռ չի հաջողվել դուրս այրծնել տայգայից եւ մեր ձեռքից, բայց եւ այնպես, գիտե՞ք, լինում են փորձողներ: Կամ մենք ենք գտնում նրանց ու վերադարձնում, կամ իրենք են դեմադղեմ դուրս գալիս որեւէ ճամբարի: Ի միջի այլոց, ես ինքս կխոսեմ նրա հետ այդ մասին...

Եբբ Եֆի Լոշանինը մտավ ներս, կինն ուշադրություն չդարձեց նրա վրա՝ համարելով, թե դա պետի ծառան է, որ ներս է մտել ինչ-որ գործով: Նայեց անցողակի եւ նորից շուր եկավ դեպի պետք: Բայց եւ իսկույն հասկացավ, ճաց եւ վեր ցատկելով, փաթաթվեց համարյա անճանաչելի դարձած իր ամուսնուն:

Եֆիմը հապենակ ավարտեց զրկախառնությունը եւ մեղմությամբ մի կողմ իրելով կնոջը, մոտեցավ սեղանին.

— Լսում եմ ձեզ, քաղաքացի պետ...

Ու թեեւ ազատ կնոջ ներկայությունն զգալի չափով կաշկանդել էր զինվորականին, բայց եւ այնպես Լոշանինան տեսավ մարդկային ուրիշ, իրեն անծանոթ փոխիհարաբերություններ՝ իշխանավորի եւ նրա իրավասության տակ պահվող կալանավորի... Եֆիմը, նրա Եֆիմը, որն այնտեղ, աշխարհում, հպարտ արժանապատվությամբ էր պահում իրեն բոլոր մարդկանց հետ, այժմ կանգնել էր՝ ինչպես զինվորը հրամանատարի առջեւ... ոչ, ոչ, զինվորն ու հրամանատարն այդպես չեն լինում, նա կանգնել էր ինչպես ոչ-մարդը մարդու առջեւ...

Ընդամենը հինգ օր էր Եֆիմը պատկանելու իր կնոջը, բայց նա կազմում էր սրանց սեփականությունը...

Կինը գնաց իրենց հատկացված սենյակը կարգի բերելու, իսկ պետք երես առ երես խոսեց կալանավորի հետ՝ ինչպես հարկն էր, արեց բոլոր զգուշացումները եւ բաց թողեց:

Եֆիմը մտավ կալանավոր սափրիչի մոտ՝ ածիլվելու: Բացատրեց, թե ինչի համար է եկել հերթից դուրս: Սափրիչը, վրացի գեր երիտասարդ, աչքով արեց նրան.

— Գոնե մի քանի օր կապրես մարդու նման, կացու:

Եֆիմին տհաճ էր այդ ակնարկը: Ինչի համար են որոշ մարդիկ շարունակ խոսում նույն բանի մասին, կարծես ուրիշ գործ չունեն...

Եբբ Եֆիմը, վերջապես, մտավ իրեն հատկացված սենյակը, կինն ընդհատեց իր գործն անկողնի հետ եւ նորից փաթաթվեց ամուսնուն.

— Ոյ հիմա դու նման ես այն Եֆիմին...

Նրանք նստեցին զրույց անելու: Եֆիմն աչք ածեց սենյակը՝ ի միջի այլոց նաեւ փնտրելով, թե ո՞րտեղ է դրել կինն իր բերած ուտելիքները:

Լուսամուտի մոտ, հատակին, որված էր մի փոքրիկ ճամպրուկ: Կախարանից կախված էին կնոջ վերարկուն ու գլխարկը:

Երկար զրուցեցին նրանք, շատ երկար: Ավելի ճիշտ՝ ոչ թե զրուցեցին, այլ կինը պատմում էր, իսկ ամուսինը՝ լսում: Նրանց աչքերը մի քանի անգամ լցվեցին արցունքով, դատարկվեցին, նորից լցվեցին:

Եֆիմը եւ լսում էր կնոջը, եւ նայում նրան, զննում: Մտերմությունը նրանց միջեւ աղոտ հուշ էր միայն, իսկ ներկան՝ օտարոտիության զգացումն էր: Ու թեև Ելենան նրա կինն էր, նրա մտերիմը, բայց նրանց միջեւ գոյացել էր մեծ տարբերություն: Նա քաղաքական կալանավոր էր, իսկ կինը՝ լիակատար իրավագոր քաղաքացի... Եվ այժմ նրանք նստած էին որպես ստորին արարած եւ գերազանց էակ...

Եվ, կարծես այդ տարբերությունն արտաքնապես եւս ցայտուն դարձնելու համար, նրանք հազնված էին այնքան տարբեր, որքան որ, երեւի, Երկրի եւ Մարսի բնակիչները... Լայն կեղեւատրեխներով, ոտից գլուխ բամբակած գորշ հազուստներով, Եֆիմը նման էր կեղտից գոյացած չաղ ու կակուղ թրթուրի, իսկ կինը, ջահել ու պիրկ, հագել էր ամառավարի թեթեւ զգեստ՝ ինչ-որ մոռացված ու քնքուշ ծաղիկներով, ոտքերին ուներ տարօրինակ մանր ոտնամաններ, որոնք կոչվում են տուֆլիներ: Երկու, երեք գույզ այդպիսիք կտեղավորվեին Եֆիմի ամեն մի կեղեւատրեխի մեջ...

Ի՞նչպես կարող էր կալանավորն ամուսին լինել մի այդպիսի բարձրագույն էակի...

— Իսկ հիմա ինքը պատմիր քո մասին, սիրելի Եֆիմ,— խնդրեց կինը:— Այս ի՞նչ վիճակ է ձեր շուրջը... Այս ի՞նչ հազուստով ես... Ես այդպես չեմ պատկերացնում ճամբարը...

Բայց Եֆիմը, նախքան որեւէ բան պատմելը, հարցրեց.

— Սոված չե՞ս, Լենա...

Կինն ամուր բռնեց ամուսնու ձեռքերը եւ ասաց ներողություն հայցողի պես.

— Ես այսպես չեմ պատկերացնում ճամբարը, Եֆիմ... Ինձ թվում էր, թե դա մի մեծ տեղ է քաղաքի պես, խանութեներով, ճաշարաններով... Դրա համար էլ, երեւակայո՞ւմ ես, ես ուտելու ոչ մի բան չեմ բերել քեզ: Միայն փող...

Կինը նկատեց ամուսնու այլայլվելը, շփոթվեց.

— Ներիր, Եֆիմ, սիրելիս... Ես այսպես չեմ պատկերացնում... Երեւի լավ չե՞ն կերակրում ձեզ...

— Ոչ, ինչո՞ւ...— արտասանեց Եֆիմը՝ ոչ այնքան իրականությունը թաքցնելու համար, որքան որ չխորացնելու կնոջ ցավը՝ նրա թերացումի համար:— Բայց դո՞ւ, դո՞ւ որտեղ պիտի ճաշես...

— Ես սոված չեմ մնա, Եֆիմ, սիրելիս, մի անհանգստանա: Կպայմանավորվեմ պահակների կանանցից մեկի հետ, որամ կտամ, կճաշեմ նրա մոտ:

Եֆիմը բոլորովին մոռացել էր... Չե՞ որ կինն ազատ, բարփրագույն էակ էր... Այդ՝ Եֆիմն է, որ իրավունք չունի երեք մետրից ավելի մոտենալու պահակին: Իսկ կինը կարող է սեղան նստել նրա հետ...

Եֆիմն ուզեց որեւէ պատրվակով գնալ կնոջ մոտից, մտնել ճամբար, ճաշել: Բայց հիշեց, որ իր ճաշը զիշել է հարեւանին...

Կինը մոտեցավ լուսամուտին, վերցրեց ճամպրուկը, բաց արեց.

— Առաջմ, այսօր, կարող ենք յոլա գնալ ճանապարհից մնացած ուտելիքով: Մի առանձնապես համով բան չկա այստեղ, բայց ոչինչ՝ կոտղետ, մի քանի ձու, ձուկ... Թե՞ դու արդեն ճանձրացել ես ձկնից: Ասում են՝ ձեր կողմերում ձուկն առատ է...

«Հիմար»՝ ակամա մտածեց Եֆիմը եւ ասաց բարձրածայն.

— Ոչ, չեմ ձանձրացել...

Կիրն, ճամպրուկի վրա խոնարհված, շարունակեց թվարկել.

— Մի քիչ կոնֆետ... Մայրիկն էր դրել ինձ հետ, որ ճանապարհին ուտեմ, բայց ես ձեռք շեմ տվել, ախորժակ չունեի, քո մասին էի մտածում շարունակ: Կուտե՞ս:

— Մեծ ուրախությամբ:

— Ախ, Եֆիմ... Եթե այսպես էր վիճակը ձեզ մոտ, ինչո՞ւ չէիր գրում, որ ծանրոցներ ուղարկեի քեզ...

— Եվ չուղարկես էլ: Դուք ինքներդ հազիվ եք ծայրը ծայրին հասցնում: Եվ ընդհանրապես, ինձ ոչինչ պետք չէ...

Կինը շարունակ խոսում էր եւ չեր շտապում ոչ ինքն ուտել, ոչ ամուսնուն հյուրասիրել: Հանեց ճամպրուկից մի զույս նոր կիսակոշիկ, բռնեց մի ձեռքով, շուտումուռ տվեց, ժպտաց.

— Քեզ համար եմ քերել, սիրելիս: Փորձիր, ին չե՞ն սեղմում:

Վյատեղ Եֆիմն այլեւս չկարողացավ զապել իրեն եւ բարկացավ.

— Դու, ի՞նչ է, Լենա, բոլորովի՞ն ես հիմարացել: Գոնե շուրջդ նայիր, ի՞նչ կիսակոշիկներ... Ահա մեր կիսակոշիկները...

Նա ցույց տվեց իր կեղեւատրեխները:

Վերջապես նրանք նստեցին ուտելու: Եֆիմն աշխատում էր շտապել, իր սովորականացնելու: Ճամբարների պատվի մասին չէ, որ մտածում էր նա, այլ վար չեր ուզում նետել կալանավորի իր արժանապատվությունն ազատ մարդու մոտ: Ամաններ լիզել, փշրանքներ հավաքել՝ այդ ամենն իր ու յուրայինների գործն է, նրանք դա չեն թաքցնում իրարից: Բայց ինչո՞ւ իմանան ուրիշները...

Եֆիմը մինչեւ իսկ կամքի ուժ ունեցավ ես հրել իր առաջից երրորդ կոտղետը.

— Հերիք է...

Կինը չպնդեց, չստիպեց նրան՝ ուտել, փայթաթեց լրազիրը:

Որովհետեւ նրանք կերել էին բավական ուշ, երեկոյան կինը զիսի չընկավ ուտելիք առաջարկել ամուսնուն, մանավան որ նա հիշում էր. Եֆիմը երեկոները ոչինչ չեր ուտում: Միայն թե դրեց՝ թեյամանն ու կերոսինկան խնդրելով պահակապետի կնոջից: Հանեց կոնֆետներ:

— Շաքար պետք է ճարել,— ասաց նա:— Մի՞թե դուք այստեղ խանութ չունեք:

— Ազատուկներն իրենց մթերքները գնում են կենտրոնական ճամբարի ազատուկների խանութից:

— Ովքե՞ր են «ազատուկները»:

— Ազատ մարդիկ:

— Բա ինչո՞ւ ես այդպես անվանում:

- Դա մեր խոսքն է:
- Զե՞ր, ո՞ւմ,— անկեղծորեն շհասկացավ կինը:
- Մեր՝ կալանավորներիս:
- Վաղը ես խանութից մթերք բերել կտամ ինձ ու քեզ համար:
- Սայլակը գնալու է միայն տասը օր հետո,— գրգռված հաղորդեց Եֆիմը:
- Քանի մոթն ընկնում էր, այնքան փոխվում էր Ելենան, դառնում մի տեսակ, անհասկանալի: Ժպտում էր կամ շփոթված շիկնում, ապա հորանջեց մի քանի անգամ, թեև աչքերը քնկոտ չէին:
- Քունդ չի տանում,— հարցրեց նա ամուսնուն՝ հոգատար կերպով:
- Պառկենք,— ասաց Եֆիմը՝ նայելով անկողնուն: Չորս տարվա ընթացքում նա միշտ ընել էր մերկ տախտակների վրա՝ բացառությամբ մի բարեկարգ ճամբարի, որտեղ նա երեք ամիս ունեցել էր խոտե ներքնակ, եւ հիվանդացների, որ ընկել էր մի քանի անգամ, մի քանի անգամ օրով: Այժմ նա նորից պառկելու էր փափուկ անկողնում, ինչախիս երջանկություն...

Անկողնում կինն ամուր, ամուր փաթաթվեց ամուսնուն եւ ասաց խոր հառաջանքով.

— Այս, Եֆիմ, Եֆիմ... Ի՞նչ փորձանք բերեցիր մեր բոլորի զիսին... Մենք մինչեւ հիմա կլինեինք, միասին, ահա այսպես՝ եթե չխառնվեիր հակահեղափոխական այդ գործերի մեջ...

Կարծես կացնով խիեցին Եֆիմի զիսին: Նա ուզեց բղավել, որ մեղավոր չէ ոչ մի քանում, բայց... Ի՞նչպես կարելի էր այդպիսի հայտարարություն անել ազատ մարդու մոտ...

Եֆիմը սոված էր: Նա զղում էր, որ նախքան անկողին մտնելը չէր ասել կնոջն այդ մասին: Նա հիշում է ճամպրուկում մնացել է մեկ եւ կես կոտյես եւ բավական քանակությամբ սպիտակ հաց...

Կինն ավելի եւ ավելի էր սեղմվում ամուսնուն, կպչում նրան:

Եֆիմը նեղվում էր օտար մարմնի այդպիսի մոտիկությունից, չէր կարողանում ազատ շարժվել:

Հանկարծ կինը վեր բարձրացավ եւ համրութեց ամուսնու շրթունքները:

— Բավական է, ազատո՞ւկ,— բղավեց Եֆիմը՝ ետ շպրտելով նրան:

Կինը, ոչնչ չհասկանալով, չոված աչքերով նայեց նրան:

Եֆիմն արագ վեր կացավ անկողից, մի բոպեում հազար հազուստները: Կինը, կարկամած, մինչեւ իսկ փորձ չարեց խանգարելու նրան:

— Այստեղ մարդիկ կոտորվում են սովից, իսկ դուք ձեր հիմար զվարճությունների հետ եք,— առանց ձայնը ցածրացնելու, բղավեց Եֆիմը եւ դիմեց դեպի դուռը:

— Եֆիմ,— ճաց կինը:

— Վերադարձիր քո տունը, ազատո՞ւկ, դու հարկավոր չես ինձ,— նետեց Եֆիմը դռան մոտից եւ ելավ դուրս:

Կինը չկարողացավ վազել նրա ետեւից, նա հանված էր:

Անցատնակի մոտ Եֆիմը տեսավ պահակապետին:

— Քաղաքացի պետ, ես ձեզ խնդրում եմ ճանապարհ դնեք այդ ազատուկին: Նա ինձ հարկավոր չէ:

— Ո՞ւմ մասին ես ասում,— զարմացավ պահակապետը:— Կնո՞ջո՞...

— Հարկավոր չէ: Ես գնում եմ ճամբար: Խուզարկեցեք ինձ, քաղաքացի պահակ...

Երբ նա մտավ քարաք, քնած կալանավորներից մի քանիսն արթնացան, նայեցին: Բայց, տեսնելով Եֆիմի դեմքի զայրացած արտահայտությունը, ոչինչ չհարցրին: Միայն երբ նա արդեն պառկեց, նկատեց կողքի հարեւանի հարցական հայացքը:

— Դե թող կորչի այդ ազատուկը,— ասաց նա:

— Ուտելիքն է՛ չվերցրիր, հիմար:

— Իսկապսե որ հիմար: Չվերցրի... Կոնֆետ կար... Համարյա երկու բուռ... Դաղձի կոնֆետներ... Իսկ զիտե՞ս ինչպես են պատրաստում դաղձի կոնֆետները: Վերցնում են շաքարը, լցնում ջրի մեջ, դնում կրակի վրա...

Հարեւանը տրորեց աշքերը եւ սկսեց ուշադրությամբ լսել: